

Cumün da Valsot



Reglamaint per l'adöver da localitats cumünalas

Register

	Artichel
Mera	1
Dret d'adöver e priorità	2
Localitats	3
Reservaziuns	4
Taxas	5
Adöver da maisas e bancs da festa	6
Uffants	7
Uorden e pulir	8
Respunsabilità	9
Surtour e dar inavo localitats	10
Organisaziun	11

Annex

- Contrat per l'adöver da localitats cumünalas

Per personas, funcziuns e mansters vain dovrada per princip la fuorma masculina. Ella as referischa adüna a tuots duos geners.

1. Mera

Quist uorden regla l'adöver da localitats dal Cumün da Valsot tras terzs.

2. Dret d'adöver e priorità

Dret d'adöver

Il dret da far adöver da localitats cumünalas han societats, otras organisaziuns e persunas singulas (nomnats in seguit „interessents“).

Il dret da far adöver da la chamonna Panas-ch han be societats, organisaziuns e persunas singulas cun domicil a Valsot.

Persunas fin 18 ons ston esser accompagnadas d'almain üna persuna majorena.

Priorità

Las localitats stan a disposiziun

1. al cumün (radunanzas, sezzüdas etc.)
2. per l'adöver regular tras societats
3. per l'adöver regular tras persunas singulas (ingünas societats)
4. per l'adöver singul
5. per l'adöver d'interessents d'utrò

3. Infuormaziuns

Per infuormaziuns davart las singulas localitats in mincha fracziun e'ls drets d'adöver correspondentes esa da's metter in contact directamaing culla persuna respunsabla.

4. Reservaziuns

Mincha adöver da localitats tras terzs es d'annunzchar al pedel.

La reservaziun sto capitar a temp.

Reservaziuns per adövers regulars

Reservaziuns e müdamaints d'adövers regulars sco musica, gimnastica etc. vegnan fixats il principi da l'on chalendar aint il plan d'adöver (vair art. 11).

Reservaziuns per adövers singuls

Reservaziuns per adövers singuls sco sezzüdas, referats, concerts, festas etc. vegnan fixadas aint illa glista da reservaziun (vair art. 11).

5. Taxas

Taxas per adövers singuls

- | | |
|--|-----------|
| a) Salas polivalentas e da gimnastica,
salettas (incl. mobigliar) per ün mez di / üna saira | CHF 50.- |
| per ün di | CHF 80.- |
| per üna fin d'eivna | CHF 150.- |
| per ün'eivna | CHF 300.- |
| alenamaints regulars da singuls d'ürant l'on
(cun guadogn finanzia) | CHF 200.- |
| b) Ütilisaziun da la chadafö (incl. inventar) | CHF 50.- |
| c) Ütilisaziun da gardarobas e duschas | CHF 50.- |
| d) Stanzas da sezzüdas | CHF 50.- |
| e) Ütilisaziun chamonna Panas-ch per üna fin d'eivna (2 dis) | CHF 100.- |

Per tuots ils adövers cun oblig da taxa es da far ün contrat (muostra: vair annex) tanter il cumün da Valsot e l'interessent. Quist contrat regla ils detagls a regard cuosts, pulir (vair art. 8), surdar e tour inavo las localitats (vair art. 10).

Pels seguaints adövers nun es da pajar ingüna taxa:

- Exercizis ed alenamaints regulars da societats.
- Arrandschamaints chi'd han üna taimpra tuottafat culturala ed ingio cha l'entrada o la collecta va a favur d'ün'instituziun publica.
- Scolaziuns pella populaziun indigena, portata dad organisaziuns chi nun han in mera ingün guadogn finanzia.
- Teaters e concerts cun o sainza consümaziun e sainza notada libra.
- Occurrenzas serradas d'üna societä indigena, p. ex. radunanzas generalas, exposiziuns.

Per adövers specials na manzunats suot ils puncts a) fin e) chi chaschunan expensas al cumün vain fixada la taxa da cas a cas.

Preparar, drizzar aint e rumir l'infrastructura pels arrandschamaints es chosa da l'interessent.

6. Adöver da tendas e da maisas e bancs da festa

Per l'adöver da maisas e bancs da festa, sco eir per tendas vegnan inchaschadas per adöver privat las seguintas taxas:

- a) per garnitura (maisa cun bancs) frs. 10.-
- b) tenda da festa inclus ils cuosts per la montascha e demontascha tras ils impiegats cumünals frs. 1'200.-, o tenor spaisas.
- c) transport davart dal cumün tenor spaisas.

Da tuot il rest dal mobigliar (maisas, sopchas, indrizs technics) chi tocca pro las singulas localitads das-cha gnir fat adöver be al lö. El nu das-cha gnir dischlochà.

7. Uffants

Uffants fin 18 ons chi fan adöver da localitads cumünalas ston esser accompagnats d'almain üna persuna creschüda.

8. Uorden e pulir

Ils interessents ston dar inavo tuot las localitads, cumprais la posada, la vaschella e'l mobigliar in quel stadi sco chi tillas han surtuttas. Portas sun da serrar, glüms han da gnir stüzzas.

Ils interessents sun respunsabels pel pulir. Els ston surtour ils cuosts scha ün impiegà cumünal ha da far quella lavur.

9. Responsabilità

Mincha interessant es sves respunsabel chi vegnan resguardadas las ledschas, ordinaziuns ed otras prescripziuns cumünalas e superiuras (per exaimpel davart la sgürezza, il füm, quantità maximala da persunas pro località, etc.).

Ün eventual permiss per bavondas alcoholicas as drizza tenor la ledscha d'ustaria pel chantun Grischun (ledscha nr. 945.100 dal cudesch da dret grischun).

10. Surtour e dar inavo localitads

Contact

Il post da contact es la persuna respunsabla pella località correspondent (vair annex).

Adöver cun oblig da taxa

Ils detagls a reg. surtour e dar inavo vegnan reglats aint il contrat correspondent.

Adöver sainza oblig da taxa

- Las localitats e las clavs vegnan surtuttas tenor instrucziun da la persuna respunsabla.
- Ils interessents sun svest respunsabels per las preparaziuns da l'arrandschamaint (sopchas, maisas ed oter mobigliar).
- Dons vi da localitats e da l'infrastructura han da gnir annunzchats e surtuts dals interessents.
- La restituziun es accumulida cul acconsentimaint dal pedel.

11. Organisaziun

Respunsabilità superiura

La persuna respunsabla da la direcziun dal Cumün da Valsot pissera per l'organisaziun e la survaglianza da l'adöver da localitats cumünalas.

Plan d'adöver

Il plan d'adöver cuntogna las datas da reservaziun d'adövers regulars da societats.

Glista da reservaziun

La glista da reservaziun cuntogna las datas da reservaziun d'adövers singuls sco festas, sezzüdas etc.

La suprastanza cumünala ha approvà quist reglamaint als 18.12.2023.
Quist reglamaint aintra in vigur süls 1. da schner 2024.

IN NOM DA LA SUPRSTANZA CUMÜNALA

Il capo:



Victor Peer



Il chanzlist:



Christian Poo

Contrat per l'adöver da localitats cumünalas

La basa da quist contrat es il reglamaint per l'adöver da localitats cumünalas.
L'interessent conferma cun sia suottascripziun da cugnuscher quist reglamaint.

Interessent nom suottascripziun rapreschantant

adöver

fracziun

localitats

(maisas / tenda)

sala polivalenta

sala da gimnastica

saletta

stanza da sezzüdas

chadafö

chamonna Panas-ch

reservaziun

dals _____

fin als _____

taxa

CHF 300.-

CHF 200.-

CHF 100.-

CHF 80.-

CHF 50.-

CHF _____

controlla

respunsabel cumünal

surdatta

surdatta, data ed ura

clavs no.

pulir

schi

na

objecziuns

controlla

respunsabel cumünal

tut inavo

tut inavo, data ed ura

sainza objecziuns

cun objecziuns
